

ხ ე ლ შ ე კ რ უ ლ ე ბ ა

„სოციალურად დაუცველი ოჯახების მონაცემთა ერთიან ბაზაში“ რეგისტრირებულ ფიზიკურ პირებზე არსებული ზოგიერთი ინფორმაციის ოზურგეთის მუნიციპალიტეტის გამგეობისთვის მიწოდების შესახებ

ქ. თბილისი

3 იანვარი 2017 წ.

საქართველოს შრომის, ჯანმრთელობისა და სოციალური დაცვის სამინისტრო (შემდგომში - „სამინისტრო“), წარმოდგენილი მინისტრის მოადგილის, ზაზა სოფრომადის სახით, სამინისტროს სახელმწიფო კონტროლს დაქვემდებარებული სსიპ - სოციალური მომსახურების სააგენტო (შემდგომში - „სააგენტო“), წარმოდგენილი დირექტორის მოადგილის მოვალეობის შემსრულებლის, კობა სონღულაშვილის სახით, სსიპ - მონაცემთა გაცვლის სააგენტო (შემდგომში - „მონაცემთა გაცვლის სააგენტო“), წარმოდგენილი მონაცემთა გაცვლის სააგენტოს თავმჯდომარის, ირაკლი გვენეტაძის სახით და ოზურგეთის მუნიციპალიტეტის გამგეობა (შემდგომში - „გამგეობა“), წარმოდგენილი ოზურგეთის მუნიციპალიტეტის გამგებლის, მერაბ ჭანუყვამის სახით, შემდგომში, ერთობლივად, მხარეებად წოდებულნი,

საქართველოს მოქმედი კანონმდებლობით, მათ შორის, „პერსონალურ მონაცემთა დაცვის შესახებ“ საქართველოს კანონის მე-5 მუხლის „ა“, „გ“ და „თ“ ქვეპუნქტების, „სოციალური დახმარების შესახებ“ საქართველოს კანონის მე-17 მუხლის „გ“ და „ზ“ ქვეპუნქტების, საქართველოს მთავრობის 2010 წლის 24 აპრილის N126 დადგენილებით დამტკიცებული „სოციალურად დაუცველი ოჯახების მონაცემთა ერთიანი ბაზის ფორმირების წესის“ პირველი მუხლის მე-2 პუნქტის, მე-7 მუხლის და მე-8 მუხლის მე-3 პუნქტის, საქართველოს შრომის, ჯანმრთელობისა და სოციალური დაცვის მინისტრის 2007 წლის 27 ივნისის N190/6 ბრძანებით დამტკიცებული „სააგენტოს“ დებულების მე-2 მუხლით განსაზღვრული უფლებამოსილების, „ქალაქ ოზურგეთის მუნიციპალიტეტის 2017 წლის ბიუჯეტის დამტკიცების შესახებ“ ქ. ოზურგეთის მუნიციპალიტეტის საკრებულოს 2016 წლის 23 დეკემბრის N27 დადგენილების გათვალისწინებით, ვთანხმდებით შემდეგზე:

მუხლი 1. ხელშეკრულების მიზანი და საგანი

1.1. „გამგეობის“ მიერ „სააგენტოსგან“ ინფორმაციის გამოთხოვა ხდება თავისი საქმიანობიდან გამომდინარე, ადგილობრივი მოსახლეობისთვის (შემდგომში - „მონაცემთა სუბიექტი“) სხვადასხვა მუნიციპალური პროგრამებით სარგებლობის დაფინანსების შედავათის გავრცელების მიზნით;

1.2. წინამდებარე ხელშეკრულების საგანია „სააგენტოს“ მიერ „გამგეობისთვის“ „სოციალურად დაუცველი ოჯახების მონაცემთა ერთიან ბაზაში“ (შემდგომში - „ბაზა“) რეგისტრირებული იმ პირის შესახებ ინფორმაციის მიწოდება, რომლის ოჯახის სოციალურ-ეკონომიკური მდგომარეობის მაჩვენებელი პირობითი ერთეული (შემდგომში „სარეიტინგო ქულა“) - არ აღემატება 150 000-ს;

1.3. ამ მუხლის „1.2.“ პუნქტით გათვალისწინებული ინფორმაცია, რომელსაც „სააგენტო“ უზაგენის „გამგეობას“ უნდა მოიცავდეს შემდეგ მონაცემებს:

- ა) „მონაცემთა სუბიექტის“ პირადი ნომერი;
- ბ) ოჯახის საიდენტიფიკაციო ნომერი;
- გ) ოჯახის „სარეიტინგო ქულა“.

1.4. „გამგეობისთვის“, ამ მუხლის მე-2 პუნქტის შესაბამისად, მონაცემების მიწოდება ხორციელდება ამ ხელშეკრულების N1 დანართით გათვალისწინებული პირობების შესაბამისად.

მუხლი 2. კავშირის უზრუნველყოფა

2.1. „გამგეობისთვის“ ინფორმაციის მიწოდება ხორციელდება „სამინისტროს“ და „მონაცემთა გაცვლის სააგენტოს“ ინფრასტრუქტურის მეშვეობით, რომლებიც უზრუნველყოფენ მის გამართულ მუშაობასა და შეუფერხებლად გამოყენებას;

2.2. ინფორმაციის მისაწოდებლად მხარეთა შორის კავშირი მყარდება დახურული კერძო ქსელის (VPN) საშუალებით, რომელიც აიგება ინტერნეტ სერვისის პროვაიდერის საკომუნიკაციო არხების გამოყენებით. დახურული კერძო ქსელის აგებისას გამოყენებული ქსელური მოწყობილობა უნდა აკმაყოფილებდეს შემდეგ მინიმალურ მოთხოვნებს:

- ა) მარშრუტიზაციისა და IPSec Tunnel ტექნოლოგიის მხარდაჭერა;
- ბ) შიფრაციის პროტოკოლის 3DES მხარდაჭერა;
- გ) ჰეშირების პროტოკოლის SHA მხარდაჭერა.

2.3. წინამდებარე ხელშეკრულების ამოქმედებიდან 10 (ათი) სამუშაო დღის ვადაში „სამინისტროს“ და „მონაცემთა გაცვლის სააგენტოს“ უფლებამოსილი წარმომადგენლები ერთობლივად უზრუნველყოფენ დახურული კერძო ქსელის (VPN) კონფიგურირებას (გამართვას).

მუხლი 3. მხარეთა კომუნიკაციის პირობები

ხელშეკრულებით გათვალისწინებულ საკითხებზე „მხარეები“ ერთმანეთის ინფორმირებას ახდენენ მათ მიერ განსაზღვრული, უფლებამოსილი პირების მეშვეობით, წერილობითი ფორმით, ელექტრონული ფოსტით ან/და სატელეფონო კომუნიკაციის გზით.

მუხლი 4. ინფორმაციის გამოთხოვის პროცედურა

4.1. „გამგეობის“ მოთხოვნა უნდა შეიცავდეს „მონაცემთა სუბიექტის“ პირად ნომერს.

4.2. პასუხისმგებლობა „პერსონალურ მონაცემთა დაცვის შესახებ“ საქართველოს კანონის მე-5 მუხლის „ა“ ქვეპუნქტის დაცვაზე (მონაცემთა სუბიექტის თანხმობა) კანონისა და „მონაცემთა სუბიექტის“ წინაშე ეკისრება „გამგეობას“.

4.3. „სააგენტო“, ხელშეკრულების პირველი მუხლით გათვალისწინებული ინფორმაციის მიწოდებას (დაბრუნებას) „გამგეობისთვის“ უზრუნველყოფს მყისიერად (დროის რეალურ რეჟიმში).

4.4. „სააგენტო“ პასუხისმგებელია ამ ხელშეკრულებით გათვალისწინებული პირობებით, მხოლოდ ინფორმაციის გაცემის მომენტისათვის (ინფორმაციის გაცემის თარიღი) „ბაზაში“ დაფიქსირებული მონაცემების სისწორეზე.

მუხლი 5. მხარეთა უფლება-მოვალეობანი

5.1. „გამგეობა“ ვალდებულია:

ა) არ დაუშვას „სააგენტოსაგან“ მიღებულ ინფორმაციაზე მესამე პირთა დაშვება (წვდომა), „სააგენტოსაგან“ მიღებული ინფორმაციის მესამე პირებისათვის გადაცემა, გადაცემის მიზნით დამუშავება/სისტემატიზაცია ან/და სხვაგვარი ხელმისაწვდომობა, კოპირება/შენახვა, (გარდა კანონმდებლობით გათვალისწინებული შემთხვევებისა), როგორც ხელშეკრულების მოქმედების ვადის განმავლობაში, ისე მისი ვადის გასვლის შემდგომ;

ბ) უზრუნველყოს „სააგენტოს“ მიერ ადმინისტრირებადი „სოციალურად დაუცველი ოჯახების მონაცემთა ერთიანი ბაზიდან“ ამ ხელშეკრულებით გათვალისწინებული წესით ინფორმაციის გამოთხოვა მხოლოდ კანონმდებლობით დადგენილი საკუთარი უფლებამოსილებების განსახორციელებლად, მკაფიოდ განსაზღვრული კანონიერი მიზნისთვის და იმ მოცულობით, რომელიც აუცილებელია ამ კანონიერი მიზნის მისაღწევად, წინააღმდეგ შემთხვევაში სრული პასუხისმგებლობა ეკისრება მას;

გ) გამოთხოვილი მონაცემების დაცვის მიზნით, მიიღოს უსაფრთხოების შესაბამისი ზომები მათი არასანქცირებული ან/და შემთხვევითი დარღვევის, დაკარგვის, არასანქცირებული შეღწევის, შეცვლის ან გავრცელების წინააღმდეგ. ასევე, არ დაუშვას მათი გამოყენება კანონიერ მიზნებთან (კანონით პირდაპირ გათვალისწინებულ მიზნებთან) შეუთავსებელი გზით;

დ) აცნობოს „სააგენტოს“ იმ საკანონმდებლო და/ან ადმინისტრაციულ/ორგანიზაციული ცვლილებების შესახებ, რომლებიც გავლენას ახდენენ ამ ხელშეკრულების პირობებზე, ცვლიან ხელშეკრულების საგანს და/ან მიზნებს, ცვლილების ამოქმედებიდან 5 (ხუთი) სამუშაო დღის ვადაში;

ე) ხელშეკრულების ფარგლებში აღრიცხოს პირველი მუხლით გათვალისწინებული სერვისით სარგებლობის შესახებ ინფორმაცია, რომელიც „გამგეობაში“ უნდა ინახებოდეს 1 (ერთი) წლის განმავლობაში;

ვ) საჭიროების შემთხვევაში, მიაწოდოს „სააგენტოს“ ამ მუხლის „ე“ ქვეპუნქტის გათვალისწინებით აღრიცხული ინფორმაცია, მოთხოვნიდან 3 (სამი) სამუშაო დღის ვადაში.

5.2. „გამგეობა“ უფლებამოსილია გამოითხოვოს პირველი მუხლის 1.2. და 1.3. პუნქტით განსაზღვრული ინფორმაცია, მის მიერ განხორციელებული სხვადასხვა მუნიციპალური პროგრამებით „მონაცემთა სუბიექტის“ სარგებლობის დაფინანსების შეღავათის გავრცელების მიზნით.

5.3. „სააგენტო“ ვალდებულია:

ა) ამ ხელშეკრულებით გათვალისწინებული პირობებით, სათანადო მოთხოვნის მიღებიდან მყისიერად (დროის რეალურ რეჟიმში) მიაწოდოს „გამგეობას“ ინფორმაციის გაცემის მომენტისათვის (მონაცემების გაცემის თარიღი) „ბაზაში“ დაფიქსირებული მონაცემები;

ბ) აცნობოს „გამგეობას“ იმ საკანონმდებლო და/ან ადმინისტრაციულ/ორგანიზაციული ცვლილებების შესახებ, რომლებიც გავლენას ახდენენ ამ ხელშეკრულების პირობებზე, ცვლიან ხელშეკრულების საგანს და/ან მიზნებს, ცვლილების ამოქმედებიდან 5 (ხუთი) სამუშაო დღის ვადაში.

5.4. „სააგენტო“ უფლებამოსილია:

ა) „გამგეობისგან“ მიიღოს ინფორმაცია იმ საკანონმდებლო და/ან ადმინისტრაციულ/ორგანიზაციული ცვლილებების შესახებ, რომლებიც გავლენას ახდენენ

ამ ხელშეკრულების პირობებზე, ცვლიან ხელშეკრულების საგანს და/ან მიზნებს, ცვლილების ამოქმედებიდან 5 (ხუთი) სამუშაო დღის ვადაში;

ბ) „გამგეობისგან“ მიიღოს ამ მუხლის პირველი პუნქტის „ე“ ქვეპუნქტით გათვალისწინებული ინფორმაცია მოთხოვნიდან 3 (სამი) სამუშაო დღის ვადაში;

5.5. „სამინისტრო“ ვალდებულია:

ა) უზრუნველყოს ხელშეკრულებით გათვალისწინებული კავშირის უზრუნველსაყოფად საჭირო ღონისძიებები, საკუთარი ინფრასტრუქტურის გამართული მუშაობა და შეუფერხებლად გამოყენება;

ბ) მონაცემთა წვდომაზე წინასწარ ცნობილი შეფერხებების ან ტექნიკური ცვლილების თაობაზე, აცნობოს „მხარეებს“, არაუგვიანეს 2 (ორი) სამუშაო დღით ადრე.

5.6. „სამინისტრო“ უფლებამოსილია, მოითხოვოს მხარეებისაგან წინამდებარე ხელშეკრულებით ნაკისრი ვალდებულებების დაცვა.

5.7. „მონაცემთა გაცვლის სააგენტო“ ვალდებულია:

ა) უზრუნველყოს ხელშეკრულებით გათვალისწინებული კავშირის უზრუნველსაყოფად საჭირო ღონისძიებები, საკუთარი ინფრასტრუქტურის გამართული მუშაობა და შეუფერხებლად გამოყენება;

ბ) არ დაუშვას „სააგენტოსაგან“ მიღებულ ინფორმაციაზე მესამე პირთა დაშვება (წვდომა), „სააგენტოსგან“ მიღებული ინფორმაციის მესამე პირებისათვის გადაცემა, გადაცემის მიზნით დამუშავება/სისტემატიზაცია ან/და სხვაგვარი ხელმისაწვდომობა (გარდა კანონმდებლობით გათვალისწინებული შემთხვევებისა), კოპირება/შენახვა, როგორც ხელშეკრულების მოქმედების ვადის განმავლობაში, ისე მისი ვადის გასვლის შემდგომ, წინააღმდეგ შემთხვევაში სრული პასუხისმგებლობა ეკისრება მას;

გ) მონაცემთა წვდომაზე წინასწარ ცნობილი შეფერხებების ან ტექნიკური ცვლილების თაობაზე, აცნობოს „მხარეებს“, არაუგვიანეს 2 (ორი) სამუშაო დღით ადრე.

5.8. „მონაცემთა გაცვლის სააგენტო“ უფლებამოსილია, მოითხოვოს მხარეებისაგან წინამდებარე ხელშეკრულებით ნაკისრი ვალდებულებების დაცვა.

5.9. „მონაცემთა გაცვლის სააგენტო“ პასუხისმგებელია ამ ხელშეკრულების ფარგლებში მისთვის ცნობილ ინფორმაციაზე არავტორიზებული ან არასანქცირებული წვდომის შემთხვევებზე.

მუხლი 6. მხარეთა პასუხისმგებლობა და დავის გადაწყვეტის წესი

6.1. მხარეთა შორის სადავო საკითხები წყდება მოლაპარაკების გზით, შეთანხმების მიუღწევლობის შემთხვევაში, დავას განიხილავს სასამართლო, საქართველოს კანონმდებლობით დადგენილი წესით.

6.2. ამ ხელშეკრულებით ნაკისრი ვალდებულებების შეუსრულებლობისთვის მხარეები პასუხს აგებენ საქართველოს კანონმდებლობის შესაბამისად.

6.3. ამ ხელშეკრულებით გათვალისწინებული საკითხები რეგულირდება საქართველოს კანონმდებლობით.

მუხლი 7. ფორსმაჟორი

7.1. მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ფორსმაჟორული, მათ შორის, ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე საომარი მოქმედებები თუ ისინი უშუალო ზემოქმედებას

ახდენენ ხელშეკრულების შესრულებაზე. ხელშეკრულების შესრულების ვადა გადაიწევეს შესაბამისი დროით, ფორსმაჟორის გამოძევევ გარემოებათა დასრულებამდე.

7.2. მხარე, რომელსაც შეეძენა ფო რსმაჟოროლი გარემო ება 3 (სამი) სამუშაო დღის ვადაში აცნობებს ხელშეკრულების სხვა მონაწილეებს ვალდებულების შეუსრულებლობის მიზეზებს და მათი შესრულების მოსალოდნელ თარიღს, რის შემდეგაც, ნაკისრი ვალდებულებების შესრულება შეიძლება გადაიღოს ფორსმაჟორის გაგრძელების ვადით ან ხელშეკრულება შეწყდეს მხარეთა შეთანხმებით.

მუხლი 8. ხელშეკრულების მოქმედების ვადა, შეწყვეტა და მასში ცვლილებები

8.1. წინამდებარე ხელშეკრულება ძალაში შედის მხარეთა ხელმოწერის დღიდან და მოქმედებს 2017 წლის 31 დეკემბრის ჩათვლით.

8.2. თუ ამ მუხლის 8.1. პუნქტით განსაზღვრულ ვადაში მხარეები წერილობით არ გამოთქვამენ ხელშეკრულების გაგრძელების სურვილს, ეს ხელშეკრულება შეწყვეტილად ითვლება. ამ პუნქტით გათვალისწინებული პროცედურა მოქმედებს ყოველი მომდევნო 1 (ერთი) წლიანი მოქმედების ვადის ამოწურვისას.

8.3. წინამდებარე ხელშეკრულება შესაძლებელია შეწყდეს ურთიერთშეთანხმებით. შეწყვეტა შესაძლებელია ასევე, ხელშეკრულების ერთ-ერთი მხარის ინიციატივით, უპირობოდ, ნებისმიერ დროს, ხელშეკრულების დანარჩენ მხარეთათვის, შეწყვეტამდე 15 (თხუთმეტი) კალენდარული დღით ადრე, წერილობითი შეტყობინების გაგზავნის გზით. აღნიშნული ვადის გასვლისთანავე ხელშეკრულება ითვლება შეწყვეტილად.

8.4. წინამდებარე ხელშეკრულებაში ცვლილებების და დამატებების შეტანა დასაშვებია მხარეთა ერთობლივი წერილობითი შეთანხმებით; ხელშეკრულების მხარეები უფლებამოსილნი არიან მოითხოვონ ხელშეკრულების მისადაგება შეცვლილი გარემოებებისადმი;

8.5. წინამდებარე ხელშეკრულება შედგენილია ქართულ ენაზე, 4 (ოთხი) თანაბარი იურიდიული ძალის მქონე ეგზემპლარად, თითოეულ მხარეს გადაეცემა თითო ეგზემპლარი.

8.6. დანართი N1 წარმოადგენს ამ ხელშეკრულების განუყოფელ ნაწილს.

მუხლი 9. დამატებითი პირობები


9.1. წინამდებარე ხელშეკრულებაზე ხელმოწერით, მხარეები ვადასტურებთ, რომ „სააგენტო“ არ არის პასუხისმგებელი და მას არ შეიძლება მოეთხოვოს პასუხი ისეთ შესაძლო ზარალზე და/ან ზიანზე, რომელიც შეიძლება მიადგეს „გამგეობას“ და/ან ნებისმიერ მესამე პირ(ებ)ს, რომელსაც „გამგეობა“ უზრუნველყოფს, ან შეიძლება უზრუნველყოს, ან შეიძლება უზრუნველყო რაიმე სახის სოციალური დახმარებით (ფულადი ან არაფულადი), რაც შეიძლება წარმოიშვას „ბაზაში“ არსებულ ინფორმაციაზე დაყრდნობით „გამგეობის“ მიერ განხორციელებული ქმედების ან უმოქმედობის შედეგად;

9.2. წინამდებარე ხელშეკრულებაზე ხელმოწერით „გამგეობა“ ადასტურებს მზაობას საკუთარი შესაძლებლობების ფარგლებში თვითონ უზრუნველყოს ნებისმიერი იმ ფიზიკური პირ(ებ)ის დაკმაყოფილება, რომელსაც შეიძლება მიადგეს რაიმე სახის შესაძლო ზიანი და/ან ზარალი, „გამგეობის“ მხრიდან განხორციელებული რაიმე მოქმედების ან უმოქმედობის შედეგად, რაც უკავშირდება „გამგეობის“ მიერ „ბაზაში“ არსებულ ინფორმაციაზე დაყრდნობით რაიმე სახის სოციალური დახმარების (ფულადი ან არაფულადი) გაცემას ან არგაცემას;

9.3. ამ მუხლში აღნიშნული პირობები ძალაში დარჩება წინამდებარე ხელშეკრულების შეწყვეტის (გაუქმების, ძალდაკარგულად გამოცხადების) შემთხვევაშიც.

მუხლი 10. მხარეთა რეკვიზიტები

საქართველოს შრომის, ჯანმრთელობისა და
სოციალური დაცვის სამინისტრო
ქ. თბილისი, აკაკი წერეთლის გამზ. N144
საიდენტიფიკაციო კოდი : 211333957



სსიპ - სოციალური მომსახურების სააგენტო
ქ. თბილისი, აკაკი წერეთლის გამზ. N144,
საიდენტიფიკაციო კოდი: 202178927



სსიპ-მონაცემთა გაცვლის სააგენტო
ქ.თბილისი,წმინდა ნიკოლოზის/ნ.ჩხეიძის N2
საიდენტიფიკაციო კოდი: 204577699



ოზურგეთის მუნიციპალიტეტის გამგეობა
ქ. ოზურგეთი, კოსტავას ქ. N1
საიდენტიფიკაციო კოდი: 237113869



დანართი 1

„სოციალურად დაუცველი ოჯახების მონაცემთა ერთიან ბაზასთან“ ელექტრონული ურთიერთობის პროტოკოლი

სერვისი და სერვისის ოპერაციები :

სოციალურად დაუცველი ოჯახების მონაცემთა ერთიანი ბაზიდან ოჯახის
საიდენტიფიკაციო კოდი და სარეგისტრაციო ქულა, რომელშიც რეგისტრირებულია
პიროვნება.

სერვისის პარამეტრები:

- პიროვნების პირადი ნომერი;
- მომხმარებლის სახელი;
- მომხმარებლის პაროლი;

სერვისის გამოძახება

სერვისის გამოძახება შესაძლებელია Request.xml:

Request.xml

```
<?xml version="1.0" encoding="utf-8"?>
<GovTalkMessage xmlns="http://www.govtalk.gov.uk/CM/envelope">
  <EnvelopeVersion>2.0</EnvelopeVersion>
  <Header>
    <MessageDetails>
      <Class>MOH_SSA_GetPersonScoreBasisInfo</Class>
      <Qualifier>request</Qualifier>
      <Function>submit</Function>
      <CorrelationID>cor</CorrelationID>
    </MessageDetails>
    <SenderDetails>
      <IDAuthentication>
        <SenderID> DEA-ს მიერ მოწოდებული მონაცემები </SenderID>
        <Authentication>
          <Method>clear</Method>
          <Value> DEA-ს მიერ მოწოდებული მონაცემები</Value>
        </Authentication>
      </IDAuthentication>
      <EmailAddress>nomail</EmailAddress>
    </SenderDetails>
  </Header>
  <Body>
    <Message xmlns="urn:g3.ge:moh:call: MOH_SSA_GetPersonScoreBasisInfo:v1">
      <PrivateNumber>PrivateNumber</PrivateNumber>
      <UserName>UserName</UserName>
      <Password>Password</Password>
    </Message>
  </Body>
</GovTalkMessage>
```

Response.xml

```
<?xml version="1.0" encoding="utf-8"?>
<GovTalkMessage xmlns="http://www.govtalk.gov.uk/CM/envelope">
  <EnvelopeVersion>2.0</EnvelopeVersion>
  <Header>
    <MessageDetails>
      <Class>MOH_SSA_GetPersonScoreBasisInfo</Class>
      <Qualifier>response</Qualifier>
      <Function>submit</Function>
      <CorrelationID>cor</CorrelationID>
      <GatewayTimestamp> Gateway Timestamp </GatewayTimestamp>
    </MessageDetails>
    <SenderDetails>
      <IDAuthentication>
        <SenderID />
      </IDAuthentication>
    </SenderDetails>
  </Header>
  <Body>
    <PeronUnderPovertyResult xmlns:xsi="http://www.w3.org/2001/XMLSchema-instance"
      xmlns:xsd="http://www.w3.org/2001/XMLSchema"
      xmlns="urn:g3.ge:moh:call:MOH_SSA_GetPersonScoreBasisInfo:v1">
      <ResultStatus>
        <StatusCode> Status Code </StatusCode>
        <StatusDescription> Status Description </StatusDescription>
      </ResultStatus>
      <PeronsUnderPoverty>
        <FamilyNumber> Family Number </FamilyNumber>
        <PrivateNumber> Private Number </PrivateNumber>
        <FamilyScore> Family Score </FamilyScore>
      </PeronsUnderPoverty>
    </PeronUnderPovertyResult>
  </Body>
</GovTalkMessage>
```

მომხმარებლის შემაჯავებელში Response.xml <Body></Body> მოთავსებულია სერიალიზირებული PersonScoreBasicInfo კლასი (იხ. ქვემოთ)

მოთხოვნის პასუხის მნიშვნელობები მოცემული ცხრილი #1

ოპერაციის გამოძეხების შემთხვევაში შეცდომის ან Exception შემთხვევაში ბრუნდება შემდეგი სახის XML:

```
<?xml version="1.0" encoding="utf-8"?><GovTalkMessage
xmlns="http://www.govtalk.gov.uk/CM/envelope">
  <EnvelopeVersion>2.0</EnvelopeVersion>
  <Header>
    <MessageDetails>
      <Class>Transaction_Name</Class>
      <Qualifier>error</Qualifier>
      <Function>submit</Function>
      <CorrelationID></CorrelationID>
      <ResponseEndPoint PollInterval="0" />
      <GatewayTimestamp></GatewayTimestamp>
    </MessageDetails>
    <SenderDetails>
      <IDAuthentication>
        <SenderID />
      </IDAuthentication>
    </SenderDetails>
  </Header>
</GovTalkMessage>
```



```
</IDAuthentication>  
</SenderDetails>  
</Header>  
<Body>  
  <Message>  
    //Error data hare  
  </Message>  
</Body>  
</GovTalkMessage>
```

PersonScoreBasicInfo კლასის აღწერა

```

/// <summary>
/// მოთხოვნის პასუხის სტატუსი
/// </summary>
public class ResultStatus
{
    int StatusCode;           // სტატუსი კოდი
    string StatusDescription; // სტატუსის განმარტება
}

/// <summary>
/// პირთა პასუხის ქულა და მისამართი სოციალურად დაუცველთა ერთიან მონაცემთა ბაზაში
/// რეგისტრირებული ოჯახიდან (დამოკიდებულია რეგიონი/რაიონი)
/// </summary>
public class PersonScoreBasicInfo
{
    public ResultStatus ResultStatus { get; set; } // ოპერაციის სტატუსი
    public string FamilyNumber { get; set; }       // ოჯახის საიდენტიფიკაციო კოდი (12 ციფრი)
    public string PrivateNumber { get; set; }      // პირადი ნომერი (11 ციფრი)
    public int? FamilyScore { get; set; }         // ოჯახის სარეიტინგო ქულა
}

```

ცხრილი #1: სტატუსის კოდები და განმარტება

პასუხის კვალიფიცირება	StatusCode	StatusDescription
შეცდომა	-1	Wrong username/password or Access denied
შეცდომა	-1	because of technical gap, it is impossible to search information
შეცდომა	-1	სისტემის შეცდომა (Exception)
	0	Not found or Access Denied on this Region/District
	1	Operation success